

17.25 CUNTRASTS SIN SRF 1

Dunnas e Dieu

«Dagut a dagut fa puž»



«Las dunnas», crititgescha sora Gielia Degonda, «han da rasar or ils tarpuns per ils umens». Intgins, raquinta la reverenda Chatrina Gaudenz, «na ma taidlan betg, perquai che jau sun ina dunna». E l'unica assistenta pastorala grischuna Flurina Cavegn-Tomaschett concluda: «Atgnamain desista la baselgia da tschuncanta procent potenzial ch'è d'enturn». Malgrà questa dominanza masculina èn las trais dunnas activas en in conturn religius. E betg be quai – ellas han chattà lur via persunala ad ina vita en servetsch da Dieu. Sora Gielia Degonda viva sco magistra d'art en la claustra ad Ingenbohl ed è daventada in'artista da renum naziunal. Chatrina Gaudenz è la pli giuvna dad ina dinastia da reverendas engiadinais e l'emprima dunna reverenda en famiglia. La teologa Flurina Cavegn-Tomaschett sa deditgescha, suenter sia lavur da master, sco assistenta pastorala a la tgira dad olmas a Glion. Ils «Cuntrasts» cun trais dunnas e trais perspectives sin ina tematica: La dominanza masculina en il mund religius.